

# UNIMAS tuan rumah National Academic Decathlon peringkat Sabah & Sarawak

on 18 February 2015.



" Kerjasama..." Wakil UNIMAS dan NAD bergambar bersama-sama selepas mesyuarat bersama kelmarin.

KOTA SAMARAHAN, 18 Februari 2015: National Academic Decathlon (NAD) telah mengadakan mesyuarat bersama wakil Universiti Malaysia Sarawak (UNIMAS) bagi membincangkan penganjuran program 'National Academic Decathlon 2015' (NAD 2015), kelmarin.

Rombongan NAD telah diketuai oleh Pengerusi NAD, YBhg Senator Tan Sri Dato' Seri Prof.Dr. Ibrahim Shah bin Abu Shah, manakala UNIMAS diketuai oleh Timbalan Naib Canselor (Hal Ehwal Pelajar dan Alumni), Profesor Mohd Fadzil Abdul Rahman.

Sarawak telah dipilih sebagai salah satu dari lima lokasi NAD yang julung kali diadakan di Malaysia.

Bersejarah buat UNIMAS sendiri apabila dipilih sebagai tuan rumah untuk peserta-peserta dari Sabah dan Sarawak yang akan diadakan pada 11 hingga 12 April tahun ini di kampus UNIMAS, Kota Samarahan. Pelbagai pertandingan intelektual seperti penulisan kreatif dan debat akan diadakan sepanjang decathlon tersebut. Penutup acara akan diadakan pada petang 12 April nanti.

Pemenang bagi NAD Sarawak akan dipilih untuk bertanding di peringkat kebangsaan pada bulan Jun dimana pemenang peringkat kebangsaan pula akan mewakili Malaysia ke Academic Decathlon di Yale University, Amerika Syarikat pada bulan November tahun ini.

Jemputan bagi peserta Academic Decathlon akan dibuka kepada semua pelajar Tingkatan 1 sehingga ke peringkat Matrikulasi dan Asasi di Sabah dan Sarawak.

**Artikel & Foto : Bahagian Perancangan & Komunikasi Korporat**